

65

60

55

50

倭史後編 下

三

13
907
11



13
907
卷 11

倭史後編卷之三

山城 栗山愿伯立撰

花房植文等文奇贈

後花園天皇諱彥仁崇光院之曾孫也。永享元年己酉春正月朔以帝尚幼元會不御殿。二月十七日。帝始受御。註孝經於少納言清原宗業。三月十五日。以源義宣爲征夷大將軍改名義教。二十九日。內大臣藤原房嗣罷左近衛大將。權大納言源清通轉左近衛大將。以權大納言藤原信宗爲右近衛大將。秋八月。攝政持基罷左大臣。四日。以右大臣藤原兼良爲左大臣。內大臣藤

原房嗣爲右大臣。以源清通爲內大臣。藤原信宗轉左近衛大將。以權大納言源義教兼右近衛大將。二十九日。帝自藤原公光第移御上御門宮。公卿步從。九月五日改元。冬十二月己亥行即位禮於太政官廳。參據不薩戒記。始讀書。從宮即位。改元。據皇年代畧記。椿葉記。

二年庚戌冬十一月十六日大嘗。

參據皇紀。

三年辛亥春三月二十四日上皇薙髮曰法皇。法諱素行智。

參據椿葉記。

四年壬子秋七月二十五日以攝政持基爲太政大臣。

內大臣源清通罷。以源義教爲內大臣。八月十三日持基罷攝政。以左大臣藤原兼長攝政。二十八日兼長罷左大臣。以源義教爲左大臣。兼右近衛大將如故。藤原信宗爲內大臣。兼左近衛大將如故。冬十月二十七日攝政兼良罷。以持基復攝政。十一月二十八日內大臣藤原信宗罷兼左近衛大將。十二月甲午以權大納言藤原房平兼左近衛大將。

五年癸丑春正月三日帝冠。令攝政太政大臣持基加之。左大臣源義教理髮。

參據椿葉記。

皇年代畧記。

二月二十六日持

基罷太政大臣。三月二十二日以攝政持基爲關白。秋

八月九日義教請罷兼右近衛大將聽之十五日以權

大納言藤原公名兼右近衛大將先是義教命大内持

世擊少貳父子十六日斬少貳父子送首京師。皇之六

條河原。

參據文正年代記爲四年事今從東寺鬼簿按少貳叛不知在何年周防山口龍福寺所藏大

內系圖曰永享三年六月大内盛見戰死于筑前蓋亦與少貳氏戰也

二十五日彗星見

西方九月十六日鎌倉地震山崩屋倒。

參據彗出薩戒記地震和漢合

運爲四年今從喜連川判鑑冬十月四日內大臣藤原信宗罷己未。

法皇崩年五十七丙寅葬于泉涌寺遺詔稱後小松院。

參據椿葉記升遐記。皇代畧記。文正年代記。永祿年代記。

六年甲寅冬十二月又攻延暦寺。

參據文正年代記。

七年乙卯春二月捕延暦寺僧乘蓮以下數人斬之六

條河原餘黨縱火中堂而自死夏四月二十二日以權

大納言藤原房平爲內大臣兼左近衛大將如故秋七

月地震。

參據文正年代記。

八年丙辰是歲信濃守護小笠原政康與村上中務大輔論封疆遂至相鬪中務大輔乞助持氏持氏以村上

我管內乃將遣兵救村上。上杉憲實諫曰。守護將軍所置而欲遽誅之。此乃我叛將軍也。何以誅政康負我不納。參據喜連川判鑑結城戰場記

九年丁巳夏四月持氏命上杉憲直發兵擊政康衆妄傳持氏令之圖憲實家物議沸騰人心洶洶六月持氏往憲實家諭之令憲直及子憲家屏居藤澤又以一色直兼毀短憲實逐之因告憲實曰動搖人心由于讒者我已遠之矣卿亦宜逐大石憲重長尾景仲景仲憲重亦聞之請自退憲實不聽七月憲實潛匿于龜若於上野秋八月持氏又往憲實家諭安之

參據喜連川判鑑結城戰場記

十月二十日內大臣藤原房平罷兼左近衛大將藤原公名轉左近衛大將以權大納言藤原持忠兼右近衛大將二十一日行幸源義教第留六日詩歌絃管盡歡

而還參據皇代畧記是歲天下穀不熟

參據文正年代記

十年戊午夏五月去年義教遣讚岐守細川持常討大和賊賊據多武峰至是國人越智箸尾攻拔之遂焚多

武峰參據文正永祿二年年代記

持氏以嘗爲義持之子已得重器文書及衆立義教大

失望。且以義教久爲僧。心又蔑視之。不樂受其令。六月。
將加子賢王首服。曰。天下無冠吾兒之人。宜循曩祖八
幡殿之例。憲實諫曰。宜從例遣使上都。受名將府。請以
臣弟重方奉使命。持氏不聽。遂冠賢王於鶴岡祠前。名
曰義久。不復使憲實知焉。託慶冠禮。召兵諸國。一色直
兼上杉憲直亦被召還。因鎌倉傳言。持氏謀因憲實入
賀。殺之第中。憲實懼。稱病不出。持氏憂之。將遣義久質
憲實家。若宮祠僧尊仲以爲不可。持氏乃止。秋八月。長
尾芳傳等主講和。千葉胤直上杉持朝亦諫罷兵。持氏
皆不納。憲實嘆曰。我何罪。欲必殺之。唯身死可明志耳。
乃拔刀。衆趣持奪之。長尾實景大石重仲勸使還國。且
曰。君欲死則死。我輩不徒死。憲實久之曰。君等苟如此。
念死無益也。遂不免惡名於後世。乃乘夜奔于上野。持
氏兵要之雷坂。衆欲戰。憲實不可。持氏兵亦見憲實從
兵多。不敢來逼。十五日。持氏遣一色直兼一色時家擊
憲實。翌日。自出武藏陣高安寺。留三浦時高守鎌倉。憲
實訴之京師。義教奏請下詔賜錦旗以討持氏。二十八
日。下詔曰。聞源持氏擅舉兵。匪啻失治於東關。此知致

叛於上國。天誅不逃。帝命何容。宜命虎豹之臣。速殲豺狼之賊。義教乃令上杉持房擁錦旗。將兵東征。是日。義教請解左大臣聽之。九月四日。以右大臣藤原房嗣轉左大臣。內大臣藤原房平轉右大臣。以權大納言藤原公名爲內大臣。兼左近衛大將如舊。十日。持房分兵爲二。一自管根進。爲大森憲賴大敗。一自足柄進入早川尻。與憲直戰走之。持氏退海老名。持房進陣高麗寺。持氏使木戸持季拒之。三浦時高素憾持氏。至是得義教令。委棄鎌倉還三浦。千葉胤直亦應持房軍市川。直兼時兼不能戰。退與持氏合。冬十月十七日。時高出兵。放火大藏大熊。十九日。憲實出陣分陪。十一月朔。時高持朝攻大藏。義久奔于扇谷。二日。持氏遇長尾芳傳於葛原。衆欲戰。持氏使人謂芳傳曰。汝輩世臣于我。何不少寬。今我爲汝自死矣。上天有罰。汝遂善終邪。芳傳下馬伏曰。公何至此。臣得譖人足矣。持氏乃曰。正憲直直兼之罪。一如憲實所請。芳傳大悅。脫甲謁持氏。與俱往永安寺。時高兵尚梗路。芳傳叱使解去。尋持氏移金澤。稱名寺。剃髮曰道繼。七日。芳傳以數千兵擊憲直。直兼殺。

之憲直子持成在德泉寺聞之自殺餘黨悉伏誅虜僧尊仲送之京師遂誅之十一日持氏還永安寺持朝胤直大石憲儀防衛之憲實遣使京師乞持氏之死參據川判鑑結城戰場記湘山星移記支注賢王或作天王。喜連蓋誤上杉持朝時爲彈正少弼長尾實景稱新四郎。大石重仲稱源三郎早川尻葛原皆相摸地名高麗寺亦在相州分陪武藏地名木戶持季稱左近大夫。是歲飢疫死者盈路。參據文正年代記。

十一年己未春二月十日義教命殺持氏持朝胤直率兵圍永安寺持氏及叔父滿貞自裁從士皆鬪死後俾義久自盡憲實家年十一歲自是關東受制京師三月

彗見關東悉屬憲實剃髮曰高岳召弟清方於越後爲管領夏六月至長春院拜持氏影前泣曰臣心無不義天鑑之乃拔佩刀刺腹爲高山越後那波內匠所持不果輿而還家旣而創愈遁藤澤又隱伊豆國清寺參據戰場記永享記按二書曰義久在報國寺聞兵逼燒香自死年十歲今從東寺鬼簿喜連川判鑑曰去年十一月朔義久與滿貞死恐誤彗星據補任關東受制京師據聖尋記支注持氏年四十二稱長春院。

十二年庚申春正月一色伊豫守奔于今泉集兵長尾憲景太田資光攻今泉走之舞木持廣應一色氏長尾芳傳以謀招之置酒持廣不疑伏兵遽起殺之結城氏

聞恐聞

朝遣子光久迎持氏二子春王安王于二荒山聚兵據城別令野田右馬助據古河城清方遣武藏國司固聽鼻性順長尾景仲等亦據高橋伺上野夏四月九日上野守護代大石憲重攻拔之十九日清方持朝發鎌倉

參據結城自四年連戰場記

五月十一日憲實亦出兵神奈川歲用兵大和細川持常大膳大夫土岐持賴右京大夫一色義範伊勢守護長野安藝人武田信榮等將兵在大和義教密命持常長野武田殺持賴義範以兵間有備不果是月義教令人就堀川宅召義範妻來蓋以其有姿色也妻輿中自殺使者亦自殺義教恐義範聞之遽令武田殺義範武田信榮親往義範營給之曰將軍有所賜請來飲有義範臣羽伏菟者諫止之義範謂已諾矣不可俄止乃去衛從與羽伏菟石河三方等十一士詣武田營坐定伏兵起左右露刃呼曰有命賜死義範乃自殺十一士亦皆鬪死別命長野與持常襲持賴於三輪麓持賴身長八尺素多力身擐重鎧把眉尖刀與二十餘兵開門突戰手斬神部新左衛門已下九人乃還營聚飲登樓呼曰今日奉命我不惜死也只恨死

無益于國。乃潰腹擰腸。投敵而死。義教分持賴義範領

國。賜參河於持常。伊勢丹後於一色五郎。若狹於武田。

義教殺義範也。武田爲義範士三方若狹所傷。無何而

死。義教賜義範宅於一色五郎。五郎以兵圍宅。殺義範

遺兵。

參據慚愧抄。歷代帝王圖。大日本傳。文正年代記。

支注神部新左衛門長野臣也。信榮死。弟信賢嗣。秋七月朔。一色伊豫守踰利

根川縱火攻次賀土佐城。三日。性順景仲與之戰。一日

十餘合。及夜罷。四日。性順景仲方引退。敵撓伍急逼。性

順景仲與戰敗之。伊豫走小江山。二十九日。清方持朝

圍攻結城。氏朝弟山内氏義出降。

參據結城戰場記。喜連川判鑑。山内結城

戰場記作山川。今姑用判鑑。未詳孰是。姑是歲。義教弟義昭叛義教。奔于日

向。義昭住大覺寺。爲僧正準三后。及在日向。與書國人

樺山氏曰。亂之不弭。由義教失道。我恐足利氏之業。遂

爲他人有。今起兵固非爲我也。

參據歷代帝王圖。薩摩文書。

嘉吉元年辛酉春二月十七日改元。義教聞義昭在樺間。今國人殺之。義昭居永德寺。三月十三日。國人襲之。使自殺。臨終作歌三章以自哀。其卒章曰。阿多奈利止。乎毛比之八奈乃。與和比散片。宇良也末之久毛。阿須

平之流加奈國人送首京師。

參據歷代帝王圖。永德寺作橫大寺。今從薩摩文書。

史注櫛間日向地名。夏四月十六日。清方督諸軍急攻結城戰酣

城中火起。城兵大擾。諸軍乘之奮擊。遂拔城。氏朝光久

舉族皆死。春王安王就執。乳母懷春王弟永壽王匿于

伊佐亦爲小山小四郎所擒。野田右馬助輸古河城而

逃。諸軍由送氏朝光久已下首二十九於京師。梶之六

條河原。五月十六日。長尾因幡守護送春王安王永壽

王至濃之垂井。義教令殺春王安王於金蓮寺。春王年

十三。安王年十一。拘永壽王於土岐持益家憲實又使

二子爲僧。一曰德舟。一曰清藏主。與二子俱著草鞋。把

鳥傘。巡行諸國。人不知其所在。嘗謂人曰。世將彈指謂。

彼叛主者。蒙罰如此。我亦以爲然。當以少悔罪耳。應仁

元年。卒于周防云。參據結城戰場記。日伴錄。湘山星移記。古賀系圖。

古之稱忠義也。未始不原乎天性。發乎誠惻。而後世之
趨義。鮮不以名。夫名豈非重事哉。上杉憲實蓋亦知名
爲重事也。一則曰自死。二則曰自死。而不能也。遂披縕
髡髮。蔬食苦行。將如無所容焉。予特哀有愧於心。有畏
於名。而又竊怪其伏刃。而遂不決。何也。今夫婦女之

居室生未手刀繩。然方其悲羞激迫也。伺守者怠。投獨處。獨能引決。有濟志也。憲實之智勇。謂曾不如閨閣之人乎。蓋有不出乎誠惻者矣。則其餘可從而知也。至遂攘僧衣。擒遺嬰。則其不可復捨也。他何名之議哉。

赤松滿祐。自己殺族持貞。領邑最大。稍張威福。及義教嗣立。頗惡之。諭割致播備作三國。滿祐自陳曰。勝國以來。世領播磨。建功戰間。且神南之役。寶篋院殿賜。祖則祐以備前明德之亂。鹿死院殿賞父義則以美作。而今欲奪之耶。義教大怒。將誅之。不果。旣而滿祐削髮曰。性具。子教康事義教。義教常曰。前將軍捨伊豆家之嫡。而賜持貞。固不可。然貞村在。豈滿祐之所專哉。貞村乃詮則之嫡孫也。遂密賜書貞村曰。封爾播備作。教康聞之。語滿祐。滿祐以謂此將以誅我也。乃聚族爲反計。上原對馬諫不聽。遂請義教曰。池鳧產雛。願將軍來見侑飲。六月十四日。義教至滿祐家。滿祐盛飾屋室。設雜戲酒。酣釋廄馬。使逸中庭。因閉門起伏。舉坐錯愕。不知所措。教康與族則賴直。前持義教兩手。使安積行秀弑。乃褫狩衣裹首。縱兵亂擊。京極高數山。名熙貴土岐遠江守。

等皆見殺。權中納言藤原實雅亦被創。大内持世等踰門而逃。滿祐自酌飲諸卒。與弟義雅姪則尚浦上宗安。中村彈正以下三百八十餘人焚宅西奔至攝津火葬。義教首於宗禪寺。遂據書寫坂下。時足利冬氏在蘭原。呼曰中國武衛。滿祐遣則賴迎之。冬氏兄弟乃以五十兵至。滿祐推爲將軍。秋七月葬義教屍於等持院。勅贈太政大臣。先是。有小人長二寸許。見于第中。羣戲百狀。設猿樂奏鶴飼。衆就執之。四散不見。纔得一人而鎖之。不食而死。至腐爛壞敗而棄之。方其遭弑。適奏鶴飼。人益以爲怪。一色義範土岐持賴之見殺也。天下以爲寃。而義教屢夢二人爲祟。至是臨水。又見一人影。心甚惡之。旣而見殺云。參據赤松記。應仁外記。得平記。慚愧抄。補任嘉吉記。結城戰場記。按葬義教首。赤松記爲播磨之淨土寺。嘉吉記爲安國寺。未知孰是。管領細川持之等立義教子義勝爲嗣。滿祐送書持之。請受兵自殺。持之斬使者不報。八月乙丑朔。持之曰。滿祐教康構亂敗倫。拒朝命於播州。招天吏之干戈。其發軍行誅所以忠於國。而孝於家也。持之大發兵赴播磨。細川持常赤松貞村武田信賢自一谷山名持豐與教清教之自但馬。滿祐亦

分兵拒之。二十二日持常等進與則尚戰敗退于人丸塚。滿祐悅曰。京軍怯也。我奉蘭原御所長驅而進耳。乃遣教康攻人丸塚。教康一發斃二人。遂又敗之。既而持豐敗但馬口。斬上原備後守。滿祐懼退據城山。持常與持豐等緣崖奮鬪。自卯至申。十日又大戰。滿祐與族六十九人自死。教康與十七人髡髮走于伊勢。安積行秀登城曰。我手刃將軍者。欲鬪來決。教清兵村助景安射中刀柄。行秀乃出城鬪。所向草靡景光皆見殪。行秀乃退火城。自潰腹。擢攫胃腸而死。持豐兵赴烟中。取滿祐及行秀首而去。石見兵攻則賴於水田城敗退。則賴走筑紫。遂入高麗。令伊勢國司殺教康。二十七日教康自殺。徇滿祐教康行秀首於市。梟之三條。賞功與播磨於持豐。美作於教清。備前於教之。參據應仁外記。嘉吉記。赤松記。東寺鬼簿。長者補任。薩戒記。文正年代記。按應仁外記以教康死。係康正元年誤。今據東寺鬼簿得平記。支注赤松記曰。中國武衛亦亡。何戰死。未知在何戰也。伊豫守義雅自殺。赤松記所載蓋實錄也。嘉吉記爲出降。恐誤。閏九月。京師行德政使所借錢物并子母莫還。所質衣物財器。亦不得出錢償。諸國倣行。良民不便之。怨訴日繁。人

始思亂。

參據畧年代記。文正年代記。

冬十一月。內大臣藤原公名罷。

十二月七日。以藤原持忠爲內大臣。兼右近衛大將如

舊。

二年壬戌。春三月廿八日。內大臣藤原持忠罷右近衛大將。以權大納言藤原實熙兼右近衛大將。夏五月廿五日。皇子成仁生。冬十月己丑。太白犯南斗第五星。甲辰。帝病癱。醫下鄉視曰。可針也。而難犯聖躬。廷臣議以謂自古置針博士。正爲此也。遂俾下鄉進針。壬子。病愈。賜下鄉砂金一盆。十一月七日。以源義勝爲征夷大將

軍。

參據皇子生據皇紀。

以下皆出康富記。

三年癸亥夏六月。內大臣藤原持忠罷。秋七月廿一日。

征夷大將軍源義勝卒。年十歲。義勝幼而喜馭。遂墜馬而夭。

參據足利系圖。龍派弔詞。東寺長者補任。

九月廿三日。從一位藤原有

光反。以兵三百人。乘夜入禁中。放火亂殺。有一賊揮薙刀逼御座。頓眩而仆。帝因得脫逃。遂匿左大臣藤原房

嗣第。宮人抱神鏡而出。賊取神璽寶劍擁南帝之裔居

萬壽寺者。名金藏主。

據延暦寺中堂。移牒集兵。二十五上

日。遣兵討之。僧徒導官軍攻中堂。斬金藏主。捕有光父

子誅之京師。初賊徒集清水寺。遺寶劍於後門。僧心月坊獲而上之。唯神璽爲賊徒持去。不知所在。賊徒蓋吉野遺民也。參據皇紀。天地歷代圖。文正年代記。東寺長者補任。所謂大將高秀。蓋金藏主也。二十六日。徙于伏見殿。後又徙御東洞院宮。參據皇年代畧記。康富記。冬十二月十三日。始營宮。先是。祇園祠有女巫。年十七八。爲神語曰。我呵護天子而免難。又曰。宜以十二月十三日營皇居。至是造宮。蓋從巫言也。而以兵禍相尋。邦家多事。不果。參據文正年代記。

文安元年甲子春二月五日。改元。三月四日。京師雨豆。

參據皇年代畧記。文正年代記。夏四月壬辰。北野祠火。初西京商人與東京之商相訴。遂結徒據北野祠。至是管領畠山德本遣兵捕之。商人縱火而鬪死。殺傷交多。火延焚西京。乙巳。以所生源氏爲準三后。贈左大臣經有之女也。丙午。天文道安陪有重。曆道賀茂有貞各奏。是夜太白與鎮辰合。六月二十三日。彗見。是月土岐氏殺美濃守護代戶島某。戶島徒募兵近江。入美濃焚垂井。殺土岐族四人。秋七月戊寅朔。六角滿綱家臣訴滿綱之無道而逐國。八月辛亥。熊野本官祠人白南帝之裔二人。集兵紀

之北山。參據康富記。按土岐氏本書闕名。考土岐譜諸本。或以持益爲成賴祖。或爲父。或以持兼爲成賴父。今不知適從。

二年乙丑春正月。六角滿綱及子時綱以兵入近江戰敗死。從兵死者數百人。夏六月二日。大風拔木倒屋。冬十一月三日。關白持基薨。二十三日。以左大臣藤原房嗣爲關白。左大臣如元。十二月二十九日。以權大納言藤原時房爲內大臣。滿祐之被誅也。以明德之亂。滿則戰死。特赦滿則孫滿直。而赤松氏遺臣遂擁之。謀滅山名氏。自去年屢戰播磨敗。兵死者數千人。至是滿直與

父滿政。自死於有馬。

參據正月出東寺鬼簿。六月出皇紀。文正年代記。滿直自死出皇紀。

東寺鬼簿。應仁外記。伎注滿則滿祐之叔父。

三年丙寅春正月十六日。內大臣藤原時房罷。二十九日。以前攝政兼良爲太政大臣。權大納言藤原實熙爲內大臣。兼右近衛大將如故。夏四月十三日。房嗣罷。大臣。二十九日。以右大臣藤原房平轉左大臣。以權大納言藤原持通爲右大臣。兼左近衛大將仍舊。是夏。近江大水流瀨田橋。秋七月。戶島與齋藤戰于美濃。死傷數百人。九月。富樺龜幢丸與族父安高爭國。戰于加賀。

死者數百人。參據大水出文正年代記。已下皆出東寺鬼簿。冬十二月初義勝早世。衆以其弟爲嗣。時八歲。至是賜名義成。享德中改

義政。

參據卧雲日件錄。

四年丁卯春三月二十三日持通罷左近衛大將。二十四日以實熙轉之。權大納言藤原實量兼右近衛大將。夏五月先是富樺安高與龜幢丸爭加賀守護職。管領細川勝元素助安高。龜幢丸亦憑前管領畠山德本請訴不已。至是令二人分領國。六月十五日關白房嗣罷。以太政大臣兼良爲關白。兼良以請託得任之。房嗣亦慕職不表辭。時人兩醜之。是秋土民蜂起。鳴鐘私行德政令。侵掠京師。義成召兵諸國備之。自德政之行。姦民乘衆怨作亂。白晝相率入人家劫奪資財。遂至召兵卒禦之。而兵卒入京。又暴殺良民。民益苦之。冬十一月乙卯尊無品親王貞成曰太上天皇。參據土民侵京年代記。東寺鬼簿。據文餘皆據康富記。十二月畠山德本遣兵攻紀之北山。斬將圓胤。圓胤初入圓滿院爲僧。既而返初服起兵。至是傳首京師。廷議梶之。關白兼良以爲不可。使坂上明世大石惟弘驗認之七條河原。參據康富記。是歲東大興福二寺諸門跡譜。是歲東大興福二寺

相鬪。參據皇紀

五年戊辰春二月十一日。內大臣藤原實熙罷左近衛大將。三月。尊準三后源氏曰敷政門院。夏四月。敷政門院崩。秋九月壬子。敕許建源高明祠於備前。是歲雨水人多溺死。五條橋流瀨田橋又流。參據三月出皇代畧記。四月九月出康富記。

記。雨水出東寺鬼簿文正年代記。

寶德元年己巳春二月壬子朔。日有食之。十六日。以權大納言藤原教房兼左近衛大將。甲申。帝如伏見殿。時猶在東洞院宮。蓋後小松法皇所居也。參據富記。是春義

成與持氏領邑於遣子永壽王。改名成氏東歸。持氏之亡也。瑞泉寺僧昌在懷逃甲斐。遂之信濃。託大井持光。持光聞春王安王據結城。送遣之結城。及敗。與春王安王皆被擒至美濃。年纔六歲。義教以其幼拘之。既而上杉房定與關東諸將議。請奉之鎮關東。至是從之。參據湘山星移等諸書以爲長尾昌賢養永壽王。夏四月庚申地於關東。今從古河系圖文正年代記。

震傾倒牆屋。男山裂。自是疾疫流行。人多死。己卯。以源義成爲征夷大將軍。五月五日。有虹遶日。秋七月二十八日。改元。冬閏十月己亥。熒惑太白鎮合。十一月朔旦。

冬至公卿表賀。詔赦天下。

參據康富記。男山裂。疫。據文正年代記。

二年庚午夏四月二十八日。兼良罷太政大臣。五月七

日。內大臣藤原實熙罷。十四日。以前權大納言藤原公

保爲內大臣。六月二十二日。內大臣藤原公保罷。二十

七日。以藤原實量代之。兼右近衛大將仍舊。秋七月癸

卯朔。周防長門大風破屋。八月丙子。東方有流星。長可

五丈。光如晝。是歲造四條橋。

參據康富記。造橋出皇紀。

三年辛未春三月。內大臣藤原實量罷。右近衛大將。秋

七月。琉球商人至兵庫。細川勝元買物不與價。以雨水

傷稼。八月壬午。遣使丹生貴船禱晴。九月。義成納婦人

言。令斯波義健逐尾張守護代織田鄉廣義健及甲斐

美濃入道不奉令。義成母聞之諫。義成不聽。遂遁

于嵯峨。德本等切諫不已。義成從之。義成母亦還第。冬

十月。南都民作亂。放火侵牟。焚元興寺。連年疫。

參據康富記。疫。

據文正年代記。

亨德元年壬申春三月二十四日。以權大納言藤原教

基。兼右近衛大將。秋七月二十六日。改元。九月。斯波義

健早世無子。家臣議以大野持種子。義敏爲嗣。大野斯

波之族也。義敏惡其下驕橫。欲以法糺之。冬十月八日。
以前內大臣源清通爲太政大臣。十日。內大臣藤原實
量罷。以藤原教房爲內大臣。兼左近衛大將如故。是歲。
赤松則賴潛到近畿。則尚斬之送首。則尚稱彦五郎。則
賴之族子也。由是義成許則尚出入府中。疱瘡流行。踰
年不已。兒多死。

參據文正年代記。按皇紀以則賴伏誅。爲文安五年事。未詳孰是。支注是歲都人傳奧州衣川石呼曰辨慶石。石大幾二尺。別有三小石。皆紫色。見日本件錄。

二年癸酉春二月。太政大臣清通罷。夏四月。關白兼良
罷。二十八日。以右大臣藤原持通代之。右大臣如故。詔
坐左大臣上。六月二十六日。以前關白兼良準三后。

三年甲戌春三月。關白持通罷右大臣。

參據補任不月。今從康富記。

初。畠山德本無子。將以其弟持富爲嗣。旣而生子義就。
稱二郎。遂以爲嗣。任伊豫守。又取持富子政長爲子。稱
彌三郎。德本令須田佐渡入道。傳義就。佐渡入道。子右
京亮。稍專家。諸老臣皆忿而未發。神保備中守出訴狀
一道。謂衆曰。我將立弟彌三郎殿。與我者加署。政長母
遊佐氏女也。以故遊佐河内守首從之。而椎名土肥諸
臣。皆叛于義就。義就怒。備中守爲首謀。夏四月四日。以

兵圍備中守宅。使之自裁。政長逃匿細川勝元家。俾從者匿山名宗全家。宗全乃持豐時削髮以法稱行。秋七月朔。關白持通罷。以左大臣藤原房平爲關白。丙寅。以前内大臣藤原實熙爲右大臣。八月。義就與政長各集兵士。都下洶洶。義政令諸將以兵衛第而勝元宗全不至。庚子夜。政長兵縱火民舍。欲焚德本家。德本避叔父賢良家。義就避山名教之家。教之不內。遂投遊佐河内守宅。翌日。與佐渡入道火宅。奔于伊賀。德本與族西形備中守等。屏居建仁寺西來院。衆以謂老君與義就協謀。事未可知也。不如迎以濟事。政長然之。遣族阿波守以三百人迎之。德本輒還家。西形備中守恥憤不敢從。子彌二郎亦送德本里許而還寺。備中守覺其意有在。因與之家世所傳劍。諭曰。我家世以忠勞被稱。而今日之禍。自內起可恥也。我不忍復還京。汝立身於我之死後。孝莫大焉。彌二郎謹受劍。從容曰。勿庸。兒已決矣。乃伏刃死。年纔十九。備中守亦潰腹死。從者皆自盡。政長移居德本家。勝元使之謁義政。然義政常憤宗全勝元助政長。勝元不自安。託罪家臣磯貝。斬之以謝。冬十一

月己酉。義政將誅宗全。召兵第中。欲俟相國寺鳴鐘而發。勝元以宗全之婿也。不欲與事。俄逃東山五大堂。義政爲罷兵。勝元固請赦。宗全亦上誓書以謝罪。於是令宗全退居但馬。留子教豐居京師。讚岐守細川成之。世與赤松氏善。至是赤松氏遺臣賴成之。請自起兵取其故邑。義政許之。遂遣赤松則尚於播磨密託以誅宗全。十二月。則尚西下亡。何播備作皆屬則尚。遂攻平井城。斬大橋美濃守。參據應仁外記。慚愧抄。得平記。文長祿記曰。德本養政長爲嗣。及生義就而廢政長。然當時諸書不之載。且慚愧抄外記。皆以政長爲義就之弟。故今不取。慚愧抄曰。西形勸德本還京師。自留西院。恥親族相聞。遂至自死。今據外記而又不取。甲辰。源成氏殺右京亮。上杉憲忠於鎌倉西門。憲忠憲實第三子。小字曰龍若。憲實之爲僧。以其幼留伊豆。上杉氏老臣長尾昌賢收而育之。及長。輔成氏鎮東面。至是成氏欲悉滅上杉氏以報父仇。與結城成朝謀而殺之。成朝乃氏朝之子也。參據康富記。結城戰場記。湘山星移記。是歲。京師多盜。鳴鐘私行德政令。白晝橫行。不復避匿。民方窮困。壯者爭從之。始謁其魁。用錢七千或五千三千爲贊。劫奪之間。以合沫止湯錢湯爲號。錢湯所取專屬已也。止湯舉

此下恐脫
類字

凡所獲以歸魁也。合沫所竊與衆均也。連年諸國凶荒。
兵役不已。至是多倣行德政。民之窘戚特爲甚。而將士
驕濶。居服無制。競勉豪奢。雖商人估客。往往衣綾羅被
紅紫。而天下華靡之習極矣。獨大友氏在豐後。尚節儉。
而頗有惠政。嘗當入唐船之還。下令諸商人曰。將征十
分一。宜籍物價。及商人持征錢而至。還其三分之一。其
當出千錢者。止出七百。惠出意外。衆大悅之。其用意率
此也。

參據日件錄文正年代記皇
年代畧記續神皇正統記

康正元年乙亥春正月。結城成朝擊殺上杉憲秋於池
龜。又殺上杉顯房於夜瀨。顯房持朝之子。憲秋禪秀之
子也。長尾昌賢老而多智。見上杉氏將滅。迎憲忠弟房
顯於越後。擁以爲將。據上野境。出兵攻鎌倉。義政亦命
今川氏擊成氏。戰數年。成氏遂敗。走古河。義政令房顯
移山內鎮。關東自是關東大亂。郡縣靡弗被兵。
參據喜連川判
鑑結城戰場記文正年代記支注池龜武藏地名二月。宗全入播磨。砦普當山。
夏五月。攻壇德山。不克。拔。會子是豐在室山。爲則尚所
圍。乃提兵救室山。敵兵解圍而逃。壇德兵亦聞之潰去。
則尚走備前。自殺。宗全遂入京。義政不之罪。
參據應仁外記文正

年代記。六月二日。關白左大臣房平罷。五日。持通復關得平記。以前內大臣藤原公名爲太政大臣。秋七月戊白。六日。以前內大臣藤原公名爲太政大臣。秋七月戊成。改元己亥。關東印送石堂一色世良田里見首于義政第。蓋從成氏舉兵者也。參據康富記。義政召還義就任右衛門佐。時畠山賢良與三寶院義賢細川道賢皆以老成周旋危難之間。時有所濟。人以爲當世藥石。義就得入京。亦賢良之謀也。於是政長不得在京師。遂出奔。勝元不得救。是月。義就發兵向大和。蓋擊政長也。自是義就日被眷遇。其家與賢良東西相臨。而義政春時遊二人家。雜戲百設。至笛物狂蟹狂言。莫不盡其技。而酒酣義政顧賢良子禰禰若戲曰。爾爺善歌。爾亦能乎。禰禰若年纔十歲。應聲而揚歌。音吐琅然。曲中有春時觀花之詞。大協義政旨。在坐爭稱不已。翼日。義政妻藤原氏亦來極歡。義就以爲匠作將軍之所重。宜乞其子爲嗣。賴以固寵。匠作賢良嘗爲修理大夫也。賢良亦悅之。乃請以禰禰若爲義就嗣。義政許之。改禰禰若曰基家。稱二郎。二郎乃義就幼字也。後義就請綸旨得義政旗。以討政長於河內。而以紀河泉之兵。多從政長。屢戰不能

井雨亭叢書

倭史後編

二十一

克。

參據慚愧抄。康富記。文正年代記。義就與伊勢備中守赤松兵部少輔書。支注義賢贈左大臣源滿詮子。

文安五年準三后。本土寺鬼簿曰。是歲正月戰市川。曾谷直繁足立顯秀等死。市川武藏地名。其詳不可知。故今不

書。八月二十七日。以右大臣藤原實熙轉左大臣。內

大臣藤原教房轉右大臣。權大納言兼左近衛大將藤原教基爲內大臣。轉左近衛大將。以權大納言源義政兼右近衛大將。冬十月庚午。以皇族邦康爲親王。後二條帝五世孫也。曰木寺宮。是日加首服。年四十。仁和寺法深法親王之父也。參據康富記。皇胤系圖。十二月。延曆寺僧徒奉神輿入京有所訴。令勝元拒之。既而從其請。僧徒引還。

二年丙寅春正月五日。以權大納言藤原公有兼左近衛大將。補任不載教基罷。左大將蓋在去歲。秋七月。宮成二十日。自東洞院宮徙御焉。八月二十九日。太上法皇崩。奉稱後崇光院。名貞成。難髮曰道欽。嘗著椿葉記。粗錄崇光院以來。至今上卽位。以視帝喪亂之際。朝廷無實錄。而賴是書存。稍有補於史氏。參據宮成徒御出皇年代畧續。神皇正統記。法皇崩出皇紀。冬十月晦。斯波義敏以家臣欲廢己。移居東山東光寺。亨德初。斯波義健早世。無子。以族大野持種子義敏爲嗣。

時義敏年十六。以斯波氏世幼弱。而其下專恣。欲一以法繩之。罷織田鄉廣尾張守護代。遂殺之。越前以其子敏廣代之。更欲治甲斐美濃入道之罪。乃令甲斐近江安居修理條訴之。衆怒曰。此豈新主遇故臣之道耶。時伊勢貞親世專事將府恩昵少比。而美濃入道妹貞親之妻也。因賴貞親請廢義敏。義敏亦移東山。自疏無罪。

參據慚愧抄應仁記。支注千代德寶德三年元服曰義健東寺鬼簿曰亨德元年九月朔卒年十八曰洞仙寺。

先是赤松遺臣石見太郎左衛門事前内大臣藤原實

量。每對實量敘赤松氏之功。且曰。等持院殿賜書曰。

細川父赤松母今乃忍使母氏無子孫耶。實量曰。何以贖

嘉吉之罪。太郎左衛門退深慮所以贖。他日又告以取

神璽之計。實量善之。爲奏請。且告之義政。帝許之。使人

傳旨。赤松氏臣中村貞友等答曰。臣等已授命矣。二王

子易計耳。然行者無生還之理。至出神璽不敢奉詔。帝

壯其言。是月遣貞友及間島彦太郎上月滿吉等二十

七人變名姓。佯降紀之北山。

參據上月記應仁外記得平記赤松畧譜。

長祿元年丁丑夏四月十一日。左大臣藤原實熙罷六

月十七日。以右大臣藤原教房轉左大臣。前内大臣藤

原實量爲右大臣。秋七月二十一日。吉田祠震。是夜諸

國大風拔木發屋。

參據倭漢合運文正年代記。按皇紀旱疫改元。是歲旱而疫行。也。然佗無所見。今附于此。

二十八日。太政大臣公名罷。

九月八日。以內大臣藤原教基爲右大臣。實量罷補任不月日。前

權大納言藤原實雅爲內大臣。

冬十一月。土民蜂起。鳴

鐘私行德政令。

參據皇年代畧記。

十二月二日。赤松氏諸臣殺

二王子於紀之山中。及衆佯稱降也。中村宗通叛。以其謀告二王子。二王子戒備不輒見。貞友臣有小谷與次者。潛變狀貌。得見二王子。因告以衆無惡意。二王子意

稍解。遂引見之。久之寢不疑。至是夜半乘大雨雪。丹生

屋帶刀左衛門及第四郎左衛門入北山營。刃擊一官。

裹首取神璽而走。敵追急。帶刀左衛門乃匿首道傍。欲

欺敵脫走。俄而逆於外。敵覺圍二人死之。又奪神璽。彥

太郎亦與滿吉等。亦入河野口。前持二官衣。使滿吉斷

其首。從二官者宇野大和守。僧智莊嚴院。及定順等。皆

鬪死。滿吉彥太郎亦被殺。貞友提首而走。又見殺于路。

北山與河野口。相距七八里。山谷頗阻絕。而其遭殺蓋

同時矣。一官曰自天親王。二官曰忠義。蓋兄弟而不知

其父爲誰也。或曰。後醍醐帝四世之孫。又曰。上野宮之族。而上野宮亦不知爲何人也。應永中。上野宮舉兵。有河上三村者應之。新田義宗之至熊野。蓋亦在是時。而後皆不知其所終也。自文安初。二王子以北山稱行宮。移書近縣。而其書唯以干支行。義政以時方多事。不暇加兵。而二王子亦不能出戰。區區稱帝山谷之際。殆十數年矣。

參據上月記。得平記。應仁外記。吉水院文書。

寶方院文書。補系圖。高福寺古碑。康富記。

二年戊寅春二月。義敏在東山歲餘。義政使之還京。而其下益結徒欲廢之。義政命以其子松王爲嗣。俾義敏

退居莫與事。二十六日。義敏西奔依大内教弘。斯波氏

諸臣請以治部少輔澁川義廉襲斯波氏。義政許之。

參

慚愧抄。外記。秋七月二十五日。以關白持通爲太政大臣。

文正年代記。

臣職仍舊。權大納言源義政爲內大臣。先是。赤松氏士

小寺性悅。小河中勢。與大和人越智協謀。說吉野民得

神璽。八月二十日。進之帝。下詔赦赤松政則。政則時五

歲。曰二郎法師。義雅之孫也。義雅之死。其子匿建仁寺。

僧天隱。許爲僧。曰性尊。政則乃性尊所生。義政與之加賀之河北石川二郡。備前之新田。出雲之宇賀。伊勢之

高宮。參據上月記。得平記。按二書作晦日。璽冬十二月。關白持通罷五日。以左大臣藤原教房爲關白。

三年己卯夏六月十九日。兩日並見。

參據皇年二十日。代畧記。

政則家臣入備前山名教之守兵拒之與戰。義政下今受代。宗全怒。政則被赦計由石見太郎左衛門及都人聚觀。幸若舞於實量第。同衆方散。使人殺太郎左衛門於路。

參據季瓊日錄。應仁外記。秋七月十七日。大和人筒井箸尾襲

越智備中於佐味敗之。蓋私鬪也。十八日。義就潛遣兵

援佐味。筒井以書報勝元。遂告義政。義政素信佛。受衣。

時方禁殺。而有告義就按鷺郊外者。又義政聚花石課

諸將植木第庭。而義就所致適枯。至聞其救佐味。益惡

之。因下令管領以下諸領將特赦政長。由是義就不得

助佐味。城遂見拔。

參據聖尋記。漸愧抄。

八月十八日。兩日又並見。

參據皇年代畧記。冬十月。富樫成春家臣岩屋集兵與政則兵。

戰于加賀。義政令詰赤松家臣。對以彼來擊不得已應之。

參據季瓊日錄。十二月。關白教房罷左大臣。以前右大臣藤

原實量爲左大臣。

寃正元年庚辰春二月。地震。比年旱風水。加以兵役。天

下凶荒道殣相望而義政常事奢侈遊飲自如修營第
沼令四方輦致奇樹巨石下不堪帝聞憂之賜詩曰殘
民爭採首陽薇處處閉爐鎖竹扉詩興吟酸春二月滿
城紅綠爲誰肥義政爲罷役

參據天地歷代圖

三月二十八日

捕楠氏在吉野者悉殺之四塚

參據季夏六月二十七日覆日錄

二十七日太政大臣持通罷秋七月朔日有食之既星皆見

伊勢日記文正年代記按合運是歲正月朔三日並見三年八月又並見四年正月朔又並見然諸書無所見而喜記變異小史之常今皆不取二十七日左大臣藤原實量罷八月

二十七日以內大臣源義政爲左大臣兼右近衛大將爲征東將軍如舊以權大納言藤原公有爲內大臣兼左近衛大將如故九月十六日義政使伊勢貞親召畠山氏老臣遊佐恒正譽田三河謹責義就使退居領邑以子基家嗣家恒正等謝服乞哀不聽義就將拒命賢良諭使速退于遊佐氏十九日以義就猶在京諸將皆戒兵義政亦命細川成之衛禁中二十日義就燬所居宅南下騎士七十步兵千餘皆甲而從遊佐國助出迎天河入若江城宗全等亦甲至義政第先是蓋宗全以助政長得罪故與政長絕而至是日又講和基家留居

義就家。義政又令曰。宜以宅屋臣僕付政長。基家大怒。欲縱火鬪死。賢良諭止之。基家遂奔河內。政長代入義就家。任彈正少弼三十日。義政下令大和諸寺。戮力擊義就。閏九月二日。義就遣兵焚天王寺民屋。義政賴權中納言藤原綱光請討義就之詔。帝不可。義政固請。不得已聽之。是月。政長發南都。陣菩提院。尋移營龍田。冬十月十日。黎明。義就聞政長兵少。乃分兵爲二。一襲政長於龍田。一襲三島於平郡。政長兵大擾愕。政長從容默禱祠前。不敢動。衆賴稍定。大和人筒井等奮戰大敗敵。斬遊佐國助譽田三河守甲斐庄新衛門隅田某越中備中古屋彦三郎以下數百人。國助家士岡部彌六等戰于平郡。亦見斬。義就喪氣將自殺。眾止之。遂奔據嶽山。更城烏帽子像國。見山寬弘金胎觀真觀正四寺。以爲拒備。政長進入河內。與中島中務成身院光宣等入若江城。十二月。又進陣于弘川。與義就相持。參據伊勢氏日記。聖寺記。應仁外記。慚愧抄。二條寺主記。長祿記。二十一日改元。參據補任皇紀。

二年辛巳春正月二日。義就出兵奪糧。與政長兵戰太子河原。是月。宗全饗義政。義政與諸將議討義就之謀。

因曰。宜下書大和國士。出兵援政長。夏六月。須屋左馬助等六十餘人請義就許之。敵欲以久疲我。臣等請乘夜襲敵以決戰。義就許之。左馬助臨發曰。臣等不復生還。請主公爲衆自酌。義就爲侑飲。衆激惋而出。乃緣山襲弘川營。殊死戰。敗斬神保宗次郎。

倭史後編卷之三終

澹泊集寄泉竹軒佐竹暉兩總裁書

舊曠大日本史成。乃命修志。此君上善繼善述之所致。眞不朽之盛事也。聞兩兄建議修稱光院以下帝紀。以擬續編。不如是。則南北皇統終歸于一。傳至今日。正大明白者。不能彰著顯赫。君上聞其言而贊之。遂命兩館修志與續編。此又君上明識英斷之所致。可勝欣躍之至。往年潛鋒栗子編摩之暇。私閱諸家記載。作後小松稱光後花園三帝紀。名曰倭史後編。以示僕曰。請爲我刪正。僕熟讀玩味。歎其考索之精。用力之勤。約他日見

其全書而還之。不數月。栗子罹疾不起。後嗣未定。僕懼其散軼。託親故而取之。藏諸匱者有年矣。其書略倣本紀之體。至敘室町將軍。則兼編年之體。凡臣下事迹。小而驕縱不法。大而畔亂弑逆。皆備書之。注其所出曰參據。述其緒餘曰支注。事有可議者。輒著評以斷之。剴切透徹。皆中事機。其志將欲帝紀至後。奈良正親町朝。將軍至義輝。義昭。以究室町之盛衰。而欲行至後陽成朝。以敘信長秀吉之興廢。亦未可知也。不幸蚤世。書未及成。其纔成者。亦未及脫稿。蠅頭細字。點竄塗抹。其矻矻苦心。卽此可見矣。當時觀瀾宅兄。相與檢討商確。屢言其畫則登館。夜則焚膏。反覆辨論。不得其要。則不輟。宅兄頗困頓。而栗子披閱自若也。聞者多謂栗子資稟薄弱。何能堪之。戕賊天年。未必此書不爲累也。僕謂不然。脩短命也。禍福豈反故紙之所能爲哉。趙方有言。未死一日。當立一日。紀綱栗子。未嘗轉職莅事。區區之心。竊欲表章皇統之原委。抉擿人臣之幽隱。以備將來之鑑戒。是亦彰考館中。一日紀綱也。其可少邪。元順帝使修宋遼金三史。遼史成。而宋金二史未成。總裁官揭傒斯

留宿史館。朝夕不敢休。因得寒疾而卒。已而二史成。僕斯不及見之。栗子之亡。不類此乎。可謂勤矣。今者適中脩舉續編之竊。此誠栗子宿志得伸之秋也。故致原稿于兩兄。以斬嵬獵。^上如其後小松本紀。義滿基氏等傳。則本館集而大成。無所藉乎私撰之書。然劉道原十國紀年。頗能裨益溫公之考異。庶以五行俱下之目。暇日看過。裁決取舍。亦無不可也。如稱光院後花園紀。義持義教義政等傳。今新所編纂。君臣淑慝。文武成敗。參互考覈。未必不有小補也。希兩兄如意繙閱。仍使書史謄寫一本。原稿略加裝潢。付與後嗣。藏爲手澤。寫本支于館架。以資紹繹。櫟括評斷。附爲論贊。則貴幽壤而旌忠魂。栗子惟忼然于地下矣。至于山名持豐細川勝元兩軍相持。則羣雄割據。各樹其黨。震主脅上。不復知有天子將軍。海內之勢自此而大變矣。蓋冀北山東。覬覦凌軋。而炎劉灰冷。成德魏博。跋扈輒張。而李唐潰爛。此尤不容已者。皆於續焉發之。李巽巖作續通鑑長編。以繼涑水之書是也。郝伯常拘於忠勇軍。著續後漢書。自序曰。

奮昭烈之幽光。揭孔明之盛心。祛操丕之鬼蜮。破懿昭
之城府。明道術。闡異端。辨姦邪。表風節。甄義烈。核正僞。
推本六經之初。苴補二史之後。僕雖不讀其書。每誦此
序。未嘗不歎其言之精而確也。豈兩兄亦有意於斯乎。
冀參酌而裁定之。統祈鑒涵。

早稻田大学図書館

011888006097